

ତୀମଥୁଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତିମତିନେ ଡାଗ୍ରା ପାଉଲ୍‌ନେ ପର୍ତୁଗୁ ଉଲିଆଃ

ତିମତି ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ପର୍ତୁଗୁ ତିମତି ବଇ ମୁଇଁ ଉଲିଆ ପ୍ରେରିଡ଼ ପାଉଲ୍ ମେଁନେ ସିସ୍
ତିମତିକେ ଗୁଆର୍ ବକେ । ପର୍ତୁଗୁ ତିମତି ଡିଙ୍ଗ୍‌ପାରେ ପାକାପାକି
୨୨-୨୪ କ୍ରିସ୍ଟୁଇରେ ଜିସୁ କ୍ରିସ୍ଟୁନେ ଜନମ୍ ଇଡ଼ିଙ୍ଗ୍ ଗୁଆର୍ ବକେ
। ଡିଙ୍ଗ୍‌ପାରେ ଏନ୍ ପାଉଲ୍‌ନେ ଜିବନ୍‌ନେ ସାରାସାରି ବେଲା ।
ପାଉଲ୍‌ନେ ଏତେ ତିମତିନେ ଜାବର୍ ସମ୍ପର୍କ ଲେଃକେ ମେଁ ଗୁଲୁଏ
ବେଲା ତିମତିକେ ଉଂଡେ ରକମ୍ କେମ୍ୟାକେ ପ୍ରେରିଡ଼ ୨:୨୨; ୧
ତିମତି ୧:୨; ୧:୧୮ । ଏନ୍ ପାଉଲ୍ ବାନ୍ ଗୁଆର୍‌କେ ଅ଼ିକ୍ଲିଗ୍ ରେମୁଆଁ
ଉଲିଆ ବିଡ୍ରେ ଏନ୍ ମୁଇଁ । ବିନ୍ ଊ଼ିକ୍ଲିଗ୍ ବଇ ୨ ତିମତି ବାରି ପିଲିମନ୍
। ପର୍ତୁଗୁ ତିମତିନ୍ନିଆ ମଣ୍ଡଲିନେ ଗୁଲୁଏ ପାର୍ତନା ବିସୟରେ
ଲେଃକେ ୨:୧-୫ ।

ଏନ୍‌ବିଡ୍ରେ ମଣ୍ଡଲିନେ ନେତାଈଁନେ ଦରକାର ବିସୟରେ
କେଡିଙ୍ଗ୍ ୩:୧-୧୩ ବାରି ମିର୍ ଗୁରୁଈଁନେ ବିସୟରେ ତରକ୍
ଆଡିଙ୍ଗ୍‌ନେ ଲେଃକେ ୧:୩-୧୧; ୪:୧-୫; ୬:୨-୫ ।

ମଣ୍ଡଲି ବିଡ୍ରେ ତିମତି ତିରକମ୍ ମୁଇଁ ନେତା ଡିଙ୍ଗ୍‌ନେ ଦରକାର୍
ଆତାନ୍ ପାଉଲ୍ ଉପଦେସ୍ ବିନେ ବିସୟରେ ବାସଙ୍ଗ୍ ଡିଙ୍ଗ୍‌କେ ।
ପର୍ତୁଗୁ ତିମତିନ୍ନିଆ ଏବେ ଇନି ମଣ୍ଡଲିଈଁନେ କାମ୍ ଡିଙ୍ଗ୍ ନ୍ୟା
ମଣ୍ଡଲିନେ ନେତାଈଁକେ ଗୁଲୁଏ ମୁଲ୍ ସାମୁଆଁ ବାସଙ୍ଗ୍‌ଆର୍ଏ ।

ସାସ୍ତ୍ର ବିଡ୍ରେ ଲେଃକେ ସାମୁଆଁଈଁ

- ୧. ପାଉଲ୍ ତିମତିକେ ସାର୍ଲତେ ଗୁଆର୍‌ନେ ଆରାମ୍ ଡିଙ୍ଗ୍ ବକେ ।
୧:୧-୨
- ୨. ପାଉଲ୍ ତିମତିକେ ମିର୍ ଗୁରୁଈଁନେ ବିସୟରେ ତରକ୍
ଆଡିଙ୍ଗ୍‌କେ । ୧:୩-୧୧
- ୩. କ୍ରିସ୍ଟୁନେ ଡାଗ୍ରା ପାଉଲ୍‌ନେ ସାର୍ଲନେ । ୧:୧୨-୧୯

୪. ପାଉଲ୍ ମଣ୍ଡଳିନେ ସେବା କାମ୍ ବାରି ନେତାଙ୍କଠାରେ ବିସୟରେ
ତିମତିକେ ଆଦେସ୍ ବିଷତିଂକେ । ୨-୩
୫. ତିମତିକେ ପାଉଲ୍ ସାରାସାରି ଆଦେସ୍ । ୪-୭

୧ ଆମ୍ ଶ୍ରେ ନିଜେ ଇସପର୍ ବାରି ନେଁଙ୍କଠାରେ ଆସା ବରସାନେ
କିସ୍ତ ଜିସୁନେ ଆଦେସ୍ ରକମ୍ ତିଂଚେ ପାଇଁ ଲେଖକେ ପାଉଲ୍ ।

୨* ମେଁନେ ଦରମ୍ ଉଜ୍ଜ୍ଵେ ତିମତିନେ ତାଗ୍ରା ଗୁଆର୍ ବକ୍ତେ ଉଲିଆ
ଆବା ଇସପର୍ ଆରି ନେଁଙ୍କଠାରେ ମାପୁ କିସ୍ତ ଜିସୁ ଆପେକେ ଲିବିସ
ଆସିର୍ବାଦ୍ ଆରି ସାନ୍ତି ବିଷଲେଖ ।

ଦଦ୍ୟା ଗିଆନ୍‌ବାନ୍ ତରକ୍ ଲାଃଲାପା

୩ ନେଜ୍ ମାସିଦୋନିଆନ୍ନିଆ ଝେନେ ବେଲା ଆପେକେ ବାସଜ୍
ବକ୍ତେ ରକମ୍ ପେ ଏଫିସିୟନ୍ନିଆ ଲାଃଲାପା । ଆଡ୍ ଅରିଆ ଉଡ୍ଡିରୁଆ
ବୁଲ୍ ବୁଦି ସାପା ବିଆର୍ତିଂକେ ଆମେଇଂକେ ବୁଲ୍ ଗ୍ୟାନ୍ ଆବିଗ୍‌ପା
ଡାଗ୍‌ଚେ ବାସଜ୍‌ପା;

୪ ମେଇଂ ମନ୍ ବାବ୍‌ନା ଉସ୍ତା ବାରି ଅଃସେଶ୍ଟେଇଂ ଗୁଲେ ବ୍‌ସ୍‌କୁଲ୍
ତିଆର୍ ତିଜ୍‌ନେ ଲାଗେ ଲେଖଆରକେ । ଆଡେନ୍ ସାପା ଆନ୍ତାର୍ ନସା
ଆମେଇଂକେ ବୁଦି ବିଷପା ତାଗ୍ରା ଆଡେନ୍ ମାତର୍ ଦରକାର୍ ଶୁଅଡ୍‌କା
ଅଡ୍‌କି ତିଆର୍ ତିଜ୍‌ଏ । ଆଣ୍ଟିନେ ଦରମ୍ ବିସ୍‌ବାସ୍‌ନିଆ ଇସପର୍‌ନେ
ଇକ୍‌ଚା ମ୍ୟା ତିଜ୍‌ଏ ଏନ୍ ସାପା ଆମେ କସ୍‌ବିଏ ।

୫ ପରଚଲ୍ ଗାଗ୍‌ଡେ, ପରଚଲ୍ ବୁଦି ଆରି ସଡ୍ ବିସ୍‌ବାସ୍‌ବାନ୍
ଆଣ୍ଟିନେ ଆଲାଦ୍ ତିଆର୍ ତିଜ୍‌ଏ, ଆଲାଦ୍‌କେ ଜାଗ୍‌ରଡ୍ ଆଃତିଂ ନସା
ନେଜ୍ ଆକେନ୍ ଆଦେସ୍ ବିଷଣ୍ଟିଂ ।

୬ ଉଡ୍ଡି ରେମୁଆଁ ଏନ୍ ମ୍ବାଃ ବିସୟ ଇଂ ଆବବିଚେ ସରାଃ ଅଡ୍‌କା
ଅଡ୍‌କିନ୍ନିଆ ଗାଲି ଆବବି ପେବକେ ।

୭ ମେଇଂ ନିୟମ୍‌ନେ ଗୁରୁ ତିଜ୍‌ନେସା ଇକ୍‌ଚା ତିଜ୍‌ଆର୍‌ଏ ମାତର୍
ଆଣ୍ଟିନେ ବିସୟରେ ନିମାଣ୍ଡା ବୁଦି ବିଆର୍‌ଏ ଆଡେନ୍ ନିଜେ ଆବୁଜେ
ଆର୍ ଶୁ ।

୮ ନେ ମ୍ୟାନେଲେକେ ଜେ ନିଅମ୍ ନିମାଣ୍ଡା ବେବଆର୍ ତିଜ୍‌ଲା
ଆତାନ୍ ନିମାଣ୍ଡା ।

* ୧:୨ ପ୍ରେରିଡ୍ ୧୭:୧.

୯ ନେ ଏନ୍ ତିଜ୍ଞ ମ୍ୟାନେଲେଃକେ ଜେ ନିମାଣ୍ଡା ରେମୁଆଁଇଁ ନ୍‌ସା ନିଅମ୍ ଦରକାର୍ ଶୁ । ଆଣ୍ଡିନେ ରେମୁଆଁଇଁ ନିଅମ୍ ବିରଦି ଆରି ଆଦେସ୍ ମାନେଃଶ୍ଟେ ଶୁ ମେଇଁ ନ୍‌ସା ନିଅମ୍ ତିଆର୍ ତିଜ୍ଞ ଲେଃ । ଜାଣ୍ଡେଇଁ ପରମେସର୍ ବିରଦ୍ ଆରି ପାପି ଅପବିତ୍ର ଦରମ୍‌ଶୁ ଇୟାଜ୍ ଆବାକେ ବାଗୁଏଃନେ ଶୁଲା ରେମୁଆଁ ବାଗୁଏଃନେ

୧୦ ଅଡାରେଗ୍ ରେମୁଆଁ ଆସବାକ୍ନେ କାମ୍ ରେମୁଆଁ ତଜ୍ଞା ନାଲେ ସାକି ବିସ୍‌ବାସ୍ ବାଜେଶ୍ଟେ ବାରି ଜାଣ୍ଡେଇଁ ସାପାରେ ସତ୍ ସିକ୍ୟାନ୍ନିଆ ବିରଦ୍ ତିଆର୍ଏ । ମେଇଁନେ ନ୍‌ସା ତିଆର୍ ତିଲେଃକେ ।

୧୧ ଏନ୍ ଆଦେସ୍ ପରମେସର୍ ଆନେଜ୍ ବାସଜ୍ ନ୍‌ସା ବିବକ୍ନେ ନିମାଣ୍ଡା ସାମୁଆଁ ଗୁଆର୍ବକେ । ଏନ୍ ମଇମାମୟ୍ ନିମାଣ୍ଡାସାମୁଆଁ ମ୍ଲାଃ ଆବା ପରମେସର୍‌କେ ବାନ୍ ପାଜ୍‌ଲେଃକେ ।

ଇସ୍‌ପରନେ ଦୟା ନ୍‌ସା ଦନ୍‌ସବାଦ୍

୧୨ ନେଜ୍ ଆଡାଡା ଆସା ବଚେ ଏନ୍ ସେବା କାମ୍‌ନିଆ ସ୍ତ୍ରୀ ବଲା ନେଜ୍ ନେନେ ମାପୁ କିସ୍‌ଟ ଜିସୁକେ ଦନ୍‌ସବାଦ୍ ମ୍ଲିଏ । ମେଁ ଆନେଜ୍ ବପୁ ବିଏ ।

୧୩ ✨ଅଃସେ ନେଜ୍ ଜିସୁନେ ବିରଦ୍‌ରେ ବାସଜ୍ ମ୍ଲକେ ଆମେକେ ନିୟା ବିମ୍‌କେ ଆରି ଆମେକେ ବାଦେକେ ରକମ୍ କାମ୍‌ଇଁ ତିଜ୍ଞ ମ୍ଲକେ । ମାତର୍ ନେଜ୍ ମେଃନେ ଶ୍ଟିଂକେ ଡାଗ୍‌ରେ ମ୍ୟା ନାଁ ଲେଃଲା ପରମେସର୍ ଆନେଜ୍ ଦୟା ତିଜ୍ଞକେ । ଅବିସ୍‌ବାସି ଲେଃକେଲା ନେଜ୍ ଦେଡ୍ ରକମ୍ ତିଜ୍ଞ ମ୍ଲକେ ।

୧୪ ମାତର୍ ମାପୁନେ ଲିବିସ୍ ଆନେଜ୍ ମାଲେ ବାବ୍‌ରେ ମିଲେଃକେ । ଆଡେନ୍ ଲିବିସ୍ ଏଡେ କିସ୍‌ଟ ଜିସୁନେ ଡାଗ୍‌ ଲେଃକେ ବିସ୍‌ବାସ୍ ଆରି ଆଲାଦ୍ ଆନେଜ୍ ମିଲେଃକେ ।

୧୫ ପାପିଇଁକେ ଉଦାର୍ ଆଡିଜ୍ ନ୍‌ସା କିସ୍‌ଟ ଜିସୁ ମଞ୍ଚପୁର୍‌ନିଆ ପାଜ୍‌ଲେଃକେ ଏନ୍ ମୁଇଜ୍ ସଡେଆଃ ସତ୍ ସାପାରେ ଆକେନ୍‌କେ ବଲ୍ ବାବ୍‌ରେ ଗ୍ରାନ୍ ତିଜ୍ଞନେ ଦରକାର୍ । ଆଡେନ୍ ପାପିଇଁନେ ବିଡ୍ରେ ନେଜ୍ ସାପାରେନେ ବାନ୍ ମ୍ଲା ପାପି ।

୧୬ ଡେଲାଡିଗ୍ ଜାଣ୍ଡେଇଁ ବବିଷ୍‌ପଡ୍ କାଲ୍‌ନିଆ ମାଡାନେ ଜିବନ୍ ବାନ୍‌ସା ଜିସୁ କିସ୍‌ଟନେ ଡାଗ୍‌ ବିସ୍‌ବାସ୍ ତିଜ୍ଞଆର୍ଏ ମେଁଇଁନେ

ତାଗ୍ରା ବିନ୍ ତିଙ୍କ ନସା ନେଙ୍କ ଜେ ମ୍ମା ପାପି ନେଙ୍କ ତାଗ୍ରା ଜିସୁନେ ସାମ୍ମାଲେନେ ବପୁ ଆଃନାବକେ । ଏନ୍‌ସା ନେଙ୍କ ଦୟା ବାଲ୍ଲେକେ ।

୧୭ ସାପା ମଞ୍ଚପୁରନେ ଆନ୍‌ାକ୍ନେ ମୁଇଁ ଆଃ ଇସପର୍ ମାତାନେ କାଲ୍ଲନେ ଇଃସାଙ୍ଗ୍ ଜୁଗ୍ ଜୁଗ୍ ସନ୍‌ମାନ୍ ବାରି ମ୍ମାଃ ତିଙ୍କ୍ଲେଃ । ଆମେନ୍ ।

୧୮ ଉଁତେ ତିମତି ନାନେ ବିସୟରେ ପୁର୍ବେବାନ୍ ନାଲେଃକ୍ନେ ସୁନ୍‌ର୍ ସାମୁଆଁ ଅନୁସାରେ ନେଙ୍କ୍ ଆନାକେ ଏନ୍ ଆଦେସ୍ ବିଃଣ୍ଡିଁ । ତିରକମ୍ ନା ଆଡେନ୍ ସାପା ସାମୁଆଁ ସାଇଜରେ ନିମାଣ୍ଡା ଜୁଦ୍ ତିଙ୍କ୍ ନାୟାଏ ।

୧୯ ବିସ୍‌ବାସ୍ ତିଁ ଲାଃଲୀପା । ମେଃନି ନିମାଣ୍ଡା ତାଗ୍‌ତେ ବାବେ ପେଡିଙ୍କ୍ ଆଡେନ୍ ତିଙ୍କ୍‌ପା । ଉଡି ରେମୁଆଁ ଆକେନ୍ ଆଡିଙ୍କ୍ ଆରକେ ଶୁ । ତେସା ମେଁଇଁନେ ବିସ୍‌ବାସ୍ ନସ୍ ତିଙ୍କ୍‌କେ ।

୨୦ କ୍ଲେଇଁନେ ବିତ୍ରେ ହୁମନାୟ ବାରି ଆଲେକ୍‌ଜାଣ୍ଡାର୍ ଲେଃଆରକେ । କ୍ଲେଇଁ ତିରକମ୍ ସାସନ୍ ବାଚେ ଇସପର୍ ନିୟା ଆଃତିଁ ଆରଏ ଶୁ । ଏନ୍‌ସା ନେଙ୍କ୍ କ୍ଲେଇଁକେ ଗଲିଆ ଡ୍ରିନିଆ ବିମ୍‌କେ ।

୨

ମଣ୍ଡଲିନେ ପାର୍ତନା ନିଅମ୍

୧ ନେଙ୍କ୍ ସେନୁଗ୍ ଗୁଆରି ଶ୍ରିଙ୍ଗ୍‌ଏ ପାର୍ତନା ତିଙ୍କ୍‌ନେ ବେଲା ସାପାରେ ନସା ଇସପର୍‌ନେ ତାଗ୍ରା ପାର୍ତନା ନିବେଦନ ବାରି ଦନ୍‌ସବାଦ୍ ଆମ୍ୟାପା

୨ ଦେକ୍ ରକମ୍ ବିନ୍ ବିନ୍‌ନେ ସାସନ୍ ତିଙ୍କ୍‌ଣ୍ଡେ ବାରି ଇଃସାଙ୍ଗ୍‌ଇଁ ନସା ପାର୍ତନା ତିଙ୍କ୍‌ପା । ତିରକମ୍ ଇସପର୍‌ନେ ବକ୍‌ଡିନିଆ ସାନ୍ତିରେ ଜିବନ୍‌ଜାପନ୍ ନେଡିଙ୍କ୍‌ପା । ବାରି ବିନ୍ ବିନ୍‌ଣ୍ଡେନେ ଆଡାଡ୍ରା ସୁକ୍ ସାନ୍ତିରେ ଜିବନ୍‌ଜାପନ୍ ନେଡିଙ୍କ୍‌ପା ।

୩ ଦେକ୍ ରକମ୍ ପାର୍ତନା ଆମ୍‌ଣ୍ଡେ ଇସପର୍‌ନେ ତାଗ୍ରା ନିମାଣ୍ଡା ବାରି ଗ୍ରଅନ୍ ତିଙ୍କ୍‌ଏ ।

୪ ସାପାରେ ପାପବାନ୍ ଉଦାର୍ ବାଚେ ସତ୍ ବିସୟରେ ବୁଦି ବାପା ଏନ୍ ମେଁନେ ଇକ୍‌ତା ।

୫ ଡାଗ୍ଲା ମୁଇଁ ଆଃ ଇସ୍ପର ଲେଃକେ ଇସ୍ପର ବାରି ରେମୁଆଁଇଁ ବିତ୍ତେ ମୁଇଁ ଆଃ ମଜିରେ ରେମୁଆଁ ଲେଃକେ ମେଁ ଡିଙ୍ଗକେ ରେମୁଆଁ କିସ୍ତ ଜିସ୍ତ;

୬ ଜିସ୍ତ ସାପାରେନେ ମୁକ୍ତି ନସା ନିଜେକେ ଦାନ୍ ଡିଙ୍ଗକେ ସମାନ୍ ବେଲା ସାପା ରେମୁଆଁନେ ମୁକ୍ତି ଚାଏଁଡିଙ୍ଗକେ କ୍ଳେନେ ଆଡ଼ଅରିଆ ସାମୁଆଁ ବିବକେ ।

୭ ✨ଆତେନ୍ ସଡ଼ ବାରି ବିସ୍ବାସନେ ସାମୁଆଁ ଅଣଜିଉଦି ଡାଗ୍ଲା ବାସଙ୍ଗ ନସା ନେଙ୍ଗ ମୁଇଁ ସିସ୍ ବାରି ଗୁରୁ ରକମ୍ ପାଇଁ ନଲେଃକେ । ନେଙ୍ଗ ମିଚ୍ ବାସଙ୍ଗ ନାଡିଙ୍ଗକେ ମେଃନେ ବାସଙ୍ଗ ଶ୍ରିଙ୍ଗକେ ଆତେନ୍ ସାପା ସତେଆ ସଡ଼ ।

୮ ଉପାସକେଲା ନେଙ୍ଗ ଖାଏଁଏ ଜେ ପବିତ୍ର ଛି ଆତଡ଼୍ୟାତେ ପାରତନା ଡିଙ୍ଗପା । ମନ୍‌ବାନ୍ ସାପା ରକମ୍ ରିସା ବାରି ଇଂସା ଚିନ୍ତା ଆନ୍ତାର୍ ବିଃପା ।

୯ ✨ସେଲାମ୍‌ସୁଃଇଁକେ ନେଙ୍ଗନେ ଗୁଆରେ, ମେଇଁ ଅଲେଙ୍ଗଡାଲିଆ ବାରି ଦରମ୍ ଡିଙ୍ଗଲେଃଆକେ, ଦାମ୍ ପାଟାଇ ଖାଡ଼େଙ୍ଗନେ, ଉଗ୍‌ବ ସଜେନ୍ନିଆ ବାରି ସୁନା, ରୁପା, ତଗ୍‌ତେ ନିଜେକେ ଆଃସଜେଲେ ।

୧୦ ସେଲାମ୍‌ସୁଃଇଁ ସଡ଼ କାମ୍ ବାନ୍ ନିଜର୍ ଦର୍ମ ଅନୁସାରେ ସ୍ବାମୁଆଁ ବିଆରଲେ ।

୧୧ ସେଲାମ୍‌ସୁଃଇଁ ଦରମ୍ ବାବ୍‌ରେ ବୁଦି ବାନେ ଦରକାର୍ ।

୧୨ ଉପଦେସ୍ ବିନେ ଶୁଲା ଜିଂରେ ଆଡ଼ାତ୍ରା ସାସନ୍ ଡିଙ୍ଗନେ ଅଦିକାର୍ ନେଙ୍ଗ ସେଲାମ୍‌ସୁଃଇଁକେ ନାବିକେ ଶୁ ।

୧୩ ଡାଗ୍ଲା ଇସ୍ପର ସେନୁଗ୍ ଆଦମକେ ଜନମ୍ ଡିଙ୍ଗବକେ ଇଡ଼ିଙ୍ଗ ହବାକେ ।

୧୪ ବାରି ସେନୁଗ୍ ଆଦମ ଟକୁଆମି ଡିଙ୍ଗ ଆଲେଃକେ ଶୁ ସେଲାମ୍‌ସୁ ଆଃ ଟକୁଆମି ଡିଙ୍ଗକେ ଇସ୍ପରନେ ସାମୁଆଁ ଅମାନି ଡିଙ୍ଗବକେ ।

୧୫ ଡାଗ୍ଲା ସେଲାମ୍‌ସୁଃଇଁ ନିମାଣ୍ଡା ବୁଦି ଏତେ ବିସ୍ବାସ୍ ଆଲାଦ୍ ବାରି ପବିତ୍ରତାନ୍ନିଆ ବୁଙ୍ଗନା ଲେଃଲା ମେଁ ଗଡ଼େଅଇଁ ଜନମ୍ ବିନେ ବାନ୍ ମେଇଁ ମୁକ୍ତି ବାଏ ।

୩

ମଣ୍ଡଳିନେ ନେତାଈଂ

୧ ଏନ୍ ସାମୁଆଁ ସତ୍ ଜଦି ଜାଣେ ମ୍ମା ରେମୁଆଁ ତିଙ୍ଗ୍ ନସା ଚେସଟା ତିଙ୍ଗ୍ କେ ତେଲା ମେଁ ନିମାଣ୍ଡା କାମ୍ ଇକ୍ଟା ତିଂତିଂ କେ ।

୨ * ପୁଜାରି ରେମୁଆଁ ମୁଇଙ୍ଗ୍ ଅଃକେନ୍ ନିମାଣ୍ଡା ଲେଃନେ ଦରକାର୍ ଜେ ରେମୁଆଁ ସତେଆ ଆମେକେ ସନ୍ମାନ୍ ତିଙ୍ଗ୍ ନସା ରାଜି ତିଙ୍ଗ୍ ଆରୁଏ । ମେଁନେ ମୁଇଂ ଆଃ ସେଲାମ୍ପୁଃ ଲେଃନେ ଦରକାର୍ । ମେଁନେ ଆମ୍ମା ବିସ୍ବାସ୍ ଲେଃନେ ଦରକାର୍ ବାରି ମେଁ ବୁଦିମାନ୍ ତିଙ୍ଗ୍ ନେ ଦରକାର୍ । ମେଁ ବିନ୍ଶ୍ଟେଇଂ ବାନ୍ ସନ୍ମାନ୍ ବାନ୍ନେ ଦରକାର୍ । ନିଜର୍ ତୁଆ ସାର୍ଲଟେ ରେମୁଆଁଇଂକେ ମେଁ ସାଇଜ ତିଙ୍ଗ୍ ନସା ତିଆର୍ ଲେଃନେ ଦରକାର୍ । ମେଁ ମୁଇଙ୍ଗ୍ ନିମାଣ୍ଡା ଗ୍ୟାନ୍ ଦାତା ତିଙ୍ଗ୍ ଲେଃନେ ଦରକାର୍ ।

୩ ମେଁ ସାଗ୍ରା ଉଗ୍ନେ କି ଝିଙ୍ଗ୍ ଆଃ ରିଙ୍ଗ୍ ଆ ରେମୁଆଁ ମାତିଙ୍ଗ୍ ଚେ ମେଁ ଦରମ୍ ବାରି ସାନ୍ତି ଲେଃନେ ଦରକାର୍ । ତାରୁ କାସୁ ବିତ୍ରେ ମେଁନେ ଲବ୍ ଆଲେନେ ଦରକାର୍ ।

୪ ନିଜର୍ ପରିବାର୍ କେ ମେଁ ନିମାଣ୍ଡା ବାବ୍ରେ ଚଲେଏ ବାରି ଆମେକେ ସନ୍ମାନ୍ ବିଚେ ମେଁନେ ବାଦ୍ୟ ତିଙ୍ଗ୍ ନସା ମେଁନେ ଗଡ଼େଇଂ ଗ୍ୟାନ୍ ବାଲେଃଆରୁଏ ।

୫ ଆଣ୍ଡିନେ ରେମୁଆଁ ନିଜର୍ ପରିବାର୍ କେ ଚଲେ ନସା ଇକ୍ଟା ଶୁ ମେଁ ଇସ୍ପର୍ନେ ପାର୍ତନା ତିଙ୍ଗ୍ ନେ ମଣ୍ଡଳିନିଆ ଜତନ୍ ତିଙ୍ଗ୍ ଏ ତିରକମ୍ ।

୬ ଡାଗ୍ଲା ମୁଇଙ୍ଗ୍ ପୁଜାରି ମି ବିସ୍ବାସି ତିଙ୍ଗ୍ ଆଲେଃ ଶୁ । ମି ବିସ୍ବାସିକେ ପୁଜାରି ଆଃତିଙ୍ଗ୍ ଲା ଆତେନ୍ ଆମେକେ ଜାବର୍ ଗରବ୍ ତିଙ୍ଗ୍ ଆରୁଏ । ଦେକ୍ ରକମ୍ ଅବସ୍ତାରେ ମେଁନେ ଗରବ୍ ନସା ମେଁ ସୟତାନ୍ ରକମ୍ ଦସ୍ ତିଙ୍ଗ୍ ଚେ ତଣ୍ଡ ବାଏ ।

୭ ମଣ୍ଡଳି ବାଏରେ ତାଆଁ ମ୍ମା ଡାଗ୍ରା ତିଗ୍ ମେଁ ମୁଇଙ୍ଗ୍ ସନ୍ମାନ୍ ରେମୁଆଁ ତିଙ୍ଗ୍ ଲେଃଏ ସଅଜ୍ରେ ସୟତାନ୍ନେ ପାନ୍ଦିନିଆ ଲଃଚେ ମେଁ ତିରକମ୍ ଗ୍ୟାସଃ ଆତିଙ୍ଗ୍ ଶୁ ।

ମଣ୍ଡଳିନେ ସାଇଜ ତିଂଶ୍ଟେ

* ୩:୭ ତିତସ୍ ୧:୭-୯.

୮ ମଣ୍ଡଳିନେ ସେବାରେ ତିଗ୍ ନିମାଣ୍ଡା ଚରିତ୍ର ବାରି ନିମାଣ୍ଡା ବେବଆର ତିଙ୍ଗ୍‌ନେ ଦରକାର । ମେଇଁ ଉର୍ଗାରେ ବାରି ଦନ୍‌ସମ୍ପତି ଲବ୍ ଆତିଙ୍ଗ୍‌ନେ ଦରକାର ।

୯ ନେଇଁନେ ଦରମ୍ ବିସ୍‌ବାସ୍‌ନିଆ ତାରଲେଃକେ ସତ୍ ଇଁ ମେଇଁ ପବିତ୍ର ବୁଦିନିଆ ତାଟ୍ ବାବ୍‌ରେ ବିସ୍‌ବାସ୍ ତିଙ୍ଗ୍‌ଆରଏ ।

୧୦ ମଣ୍ଡଳିନେ କାମ୍ ତିଙ୍ଗ୍ ନ୍‌ସା ଅଦିକାର ବାନେ ସେନୁଗ୍ ଆମେଇଁକେ ତିଗ୍ ପରିକମା ତିଙ୍ଗ୍‌ପା । ଏନ୍ ପରିକମାନ୍ନିଆ ନିମାଣ୍ଡା ବାବ୍‌ରେ ବୁଦିଗ୍ୟାନ୍ ତିଙ୍ଗ୍‌ଲା ଆଃ ମେଇଁ ସେବା କାମ୍‌ନିଆ ପଦ୍ ବାଆରଲେଃ ।

୧୧ ମେଇଁନେ ସେଲାମ୍‌ସୁଃଇଁ ତିଗ୍ ବିନ୍ ରେମୁଆଁକେ ନିନ୍ଦା ମାତିଙ୍ଗ୍‌ରେ ପବିତ୍ର ଆମ୍‌ ଏତେ ଲେଃନେ ଦରକାର ବାରି ସାପା ବିସୟରେ ବିସ୍‌ବାସ୍ ତିଙ୍ଗ୍‌ନେ ଦରକାର ।

୧୨ ସେବାରେଇଁ ମୁଇଙ୍ଗ୍ ସେଲାମ୍‌ସୁଃ ଆଣ୍ଡା ତିଙ୍ଗ୍ ଆରଲେ ବାରି ନିଜର୍ ନିଜର୍ ଗଡ଼େଇଁକେ ବାରି ପରିବାରକେ ନିମାଣ୍ଡା ବାବ୍‌ରେ ବିଚଙ୍ଗ୍ ଲେଃଏ ।

୧୩ ମୁଡ଼ି ରେମୁଆଁଇଁ ନିମାଣ୍ଡା ବାବ୍‌ରେ ସେବା ତିଙ୍ଗ୍ ଆରେଏ ମେଇଁ ନିଜର୍ ନ୍‌ସା ସନ୍‌ମାନ୍ ଜାଗା ଅଦିକାର ତିଙ୍ଗ୍‌ଆରଏ ବାରି ମେଇଁ ଜିସୁ କିସ୍‌ନିଆ ମୈନେ ବିସ୍‌ବାସ୍ ନିମାଣ୍ଡା ସମ୍ପର୍କରେ ସାଆସ୍ ବାଆରଏ ।

ବିସ୍‌ବାସ୍‌ନେ ସତ୍

୧୪ ଏନ୍ ଉଲିଆ ଗୁଆରନେ ବେଲା ନେଙ୍ଗ୍ ଦାପ୍ରେ ପେନେ ତାଗ୍ରା ଛୁଏଃଏ ତାଗ୍ରାରେ ଆସା ତିଙ୍ଗ୍‌ଣିଁକେ ।

୧୫ ମାତର୍ ଜଦି ନେଙ୍ଗ୍‌ନେ ପାଙ୍ଗ୍‌ନେ ନିଅଲ୍ ତିଙ୍ଗ୍‌ଏ ଜିବନ୍ ଇସ୍‌ପରନେ ମଣ୍ଡଳିନିଆ ତିରକମ୍ ତିଙ୍ଗ୍‌ନେ ପଡ଼େଏ ଏନ୍ ଉଲିଆବାନ୍ ଆଡେନ୍ ପେ ମ୍ୟା ପେୟାଏ । ଏନ୍ ମଣ୍ଡଳି ଆଃ ସତ୍‌ନେ ଦରମ୍ ତେଲି ବାରି ମୁଲ୍‌ପାଣ୍ଡୁସନ୍ ।

୧୬ ନେନେ ଦରମ୍ ବିସ୍‌ବାସ୍‌ନିଆ ଆକେନ୍ ମ୍‌ଃ ଗୁନ୍ ସାପାରେ ଗ୍ରଥନ୍ ତିଙ୍ଗ୍‌ଆରଏ ।

କିସ୍ ରେମୁଆଁ ଗାଗ୍‌ଡେନ୍ନିଆ ଆନେକେ ଆସୁଏକେ ।

ପବିତ୍ର ଆମ୍‌ ଆମେକେ ଦରମ୍ ତାଗ୍ରାରେ ପର୍‌ମାନ୍ ତିଙ୍ଗ୍‌କେ ।

କିତଂଦୁଡ଼ଇଁ ଏତେ ମୈ ଆନାକେ ।

ମୈନେ ବିସୟରେ ସାପା ଜାତି ଇନେ ବିତ୍ରେ ନିମାଣ୍ଣାସାମୁଆଁ
ବାସଙ୍ଗକେ ।

ମଞ୍ଚପୁରନେ ରେମୁଆଁ ଆମେକେ ବିସ୍ବାସ୍ ତିଙ୍ଗକେ ମୈ
କିତଂଇନିନ୍ନିଆ ମଇମାମୟ ତିଙ୍ଗରେ ତୁଂଖେଆକେ ।

୪

ବଣ୍ଣ ବାବବାଦିଇନେ ବିସୟରେ ତରକ୍ ସାମୁଆଁ

୧ ପବିତ୍ର ଆମ୍ବା ସତ୍ ବାବରେ ବାସଙ୍ଗତିଂକେ ଜେ ଇଡ଼ିଙ୍ଗ
କାଲେ ଉଡ଼ି ରେମୁଆଁ ସତ୍ ବିସ୍ବାସ୍‌କେ ଆନ୍ତାର୍ ବିଆରୁଏ ।
ମେଇଂ ଆମେଇଂକେ କସ୍ ତିଙ୍ଗକ୍ଳେ ଦୁସ୍ ଆମ୍ବାଇନେ ଆଦେସ୍‌ଇଂ
ମାନେଆରୁଏ ।

୨ ଉଡ଼ି ବଣ୍ଣ ବାବବାଦି ଦେକ୍ ରକମ୍ ଗ୍ୟାନ୍ ବିଃଆରୁତିଂକେ,
ମେଇଂନେ ବୁଦି ନସ୍ ତିଙ୍ଗ୍‌ଖେଲେଃକେ ।

୩ ଆତେନ୍ ବଣ୍ଣ ବାବବାଦି ବକ୍ତାଇଂ ବିହେ ତିଙ୍ଗନେ ଟିକ୍ ଶୁ
ଡାଗରେ ବାସଙ୍ଗଆରୁଏ ମେଇଂ ରେମୁଆଁଇଂକେ ଏନ୍ ସାମୁଆଁ ତିଗ୍
ବାସଙ୍ଗଆରୁଏ ଜେ ଉଡ଼ି ବଲେ ଲେଃକେ ଆତେନ୍ ରେମୁଆଁଇଂ
ବିଲ୍‌କୁଲ୍ ଚଙ୍ଗନେ ଟିକ୍ ଶୁ ଡାଗରେ ମେଇଂ ବାସଙ୍ଗତିଂଆରୁକେ ।
ମାତର୍ ଆତେନ୍ କାଦିଇଂକେ ପର୍ମେସର୍ ଆଃରେବକେ । ଜାଣ୍ଟେଇଂ
ବିସ୍ବାସି ବାରି ସତ୍‌କେ ମ୍ୟାଃଆରୁଏ ମେଇଂ ପର୍ମେସର୍‌କେ
ଦନ୍ୟବାଦ୍ ବିଚେ ଆତେନ୍ କାଦି ଚଙ୍ଗଆରୁଏ ।

୪ ପର୍ମେସର୍ ଆଣ୍ଟିନେ ସାପା ତିଆର୍ ତିଙ୍ଗ୍ ବକେ ଆତେନ୍ ସାପା
ନିମାଣ୍ଣା ଲେଃଏ । ପର୍ମେସର୍‌କେ ଦନ୍ୟବାଦ୍ ବିଃକ୍ଳେ ଇଡ଼ିଙ୍ଗ୍ ମୈନେ
ତିଆର୍ ତିଙ୍ଗକ୍ଳେ ଆଣ୍ଟିନେ ବିସୟ୍ ଗ୍ରଥନ୍ ତିଙ୍ଗ୍ ନସା ମନା ତିଙ୍ଗନେ
ଟିକ୍ ଶୁ ।

୫ ପର୍ମେସର୍ ବାନ୍ ତିଆର୍ ତିଙ୍ଗକ୍ଳେ ସାପା ବିସୟ୍ ପର୍ମେସର୍
ବାସଙ୍ଗ ବକ୍ଳେ ସାମୁଆଁ ବାନ୍ ବାରି ପାର୍ତନା ବାନ୍ ପବିତ୍ର ତିଙ୍ଗଲେଃଏ
।

ଜିସୁ କ୍ରିସ୍ତନେ ନିମାଣ୍ଣା ସେବାଣ୍ଟେ ତିଙ୍ଗପା

୬ ଏନ୍ ସାପା ବିସୟ୍ ପେ ବୟ୍ ବାରି ତନାଇଂକେ ଗ୍ୟାନ୍ ପେବିଲା
ଜିସୁ କିସ୍‌ଟନେ ମୁଇଂ ନିମାଣ୍ଣା ସେବା ତିଂଣ୍ଟେ ପେଡିଙ୍ଗ୍ । ବାରି

ଯେ ଆଡ଼ିନେ ବିସ୍‌ବାସ୍ ବାରି ନିମାଣ୍ଡା ଗ୍ୟାନନେ ଗାଲିପାକା ପାଙ୍ଗ୍
ପେଲେକେ ଆତାନ୍ ସାଙ୍ଗେ ସାଙ୍ଗେ ସାମୁଆଁ ବାନ୍ ବପୁ ପେଡ଼ିଙ୍ଗ୍ ।

୭ ପରମେସରକେ ବାଦେକ୍ଲେ ସାମୁଆଁ ଇଂ ଆତାର୍ ବିଚେ ପେ
ଦରମ୍ ଜିବନ୍‌କେ ତାଟ୍ ଆଡ଼ିଙ୍ଗ୍ ନ୍‌ସା ଅବ୍ୟାସ୍ ତିଙ୍ଗ୍‌ପା ।

୮ ଗାଗ୍‌ଡେକେ କସ୍‌ଟ୍ କାମ୍ ଦରକାର୍ ଲେଃକେ । ମାତର୍
ପରମେସରନେ ଉପାସ୍ ତିଙ୍ଗ୍‌ନେ ବାନ୍ ଆଡେନ୍ ସାପା ବିସ୍‌ୟନେ
ଆପେକେ ସାଇଜ ତିଙ୍ଗ୍‌ଏ । ଏନ୍ ଏବେନେ ଜିବନ୍‌ନ୍ନିଆ ବାରି
ବବିଷ୍ୟତ୍ ଜିବନ୍‌ନ୍ନିଆ ତିଗ୍ ପେନ୍‌ସା ଆସ୍ ବାଦ୍ ତୁଂପାଙ୍ଗ୍ ।

୯ ନେଙ୍ଗ୍ ମେଃନେ ବାସଙ୍ଗ୍‌ଣ୍ଡିଂ ଆଡେନ୍ ସତ୍ ବାରି ପେ ଏନ୍‌କେ ବଲ୍
ବାବ୍‌ରେ ଗ୍ରାଅନ୍ ତିଙ୍ଗ୍‌ନେ ଦରକାର୍ ।

୧୦ ମୁଡ଼ି ଆମ୍‌ଣ୍ଡେ ତାଗ୍ରା ବିସ୍‌ବାସ୍ ତିଙ୍ଗ୍‌ଲା ସାପାରେ ମୁଲ୍
ବାଆର୍‌ଏ ଆତାନ୍ ଜିବନ୍‌ନେ ଇସ୍‌ପର୍ ତାଗ୍ରା ଆସା ତିଙ୍ଗ୍‌ଚେ ନେ
ଅଃକେନ୍ କସ୍ ତିଙ୍ଗ୍‌ଚେ ଏନ୍ କାମ୍ ତିଙ୍ଗ୍ ନେଡ଼ିଙ୍ଗ୍‌କେ ।

୧୧ ଏନ୍ ସାପା ଗ୍ୟାନ୍ ବାରି ଆଦେସ୍ ଆମେଇଂକେ ଗ୍ୟାନ୍ ବିଃପା ।

୧୨ ଯେ ନିଜେନେ ବାଲିର୍‌ବାତା ବେବଆର୍ ଆଲାଦ୍ ବିସ୍‌ବାସ୍ ବାରି
ଗୁନ୍‌ଗ୍ୟାନ୍‌ନେ ନିମାଣ୍ଡା ବାବ୍‌ରେ ବେବଆର୍ ଆସୁଏଃ ପେୟାଲା ଗଣ୍ଡା
ବୟସ୍ ତିଙ୍ଗ୍ ଲେଃଲା ତିଗ୍ ଆପେକେ ମଣ୍ଡଲିନ୍ନିଆ ଜାଣ୍ଡେ ଦଦ୍ୟା
ତାଗ୍‌ଚେ ବାସଙ୍ଗ୍ ଆୟାଆର୍ ଶୁ ।

୧୩ ନେଙ୍ଗ୍ ପେନେ ତାଗ୍ରା ପାଙ୍ଗ୍‌ନେ ଜାକ ପେ ଦରମ୍ ସାସ୍‌ର୍
ପଡେନେ, ଉପଦେସ୍ ବାରି ଗ୍ୟାନ୍‌ବିନେ କାମ୍ ତିଙ୍ଗ୍‌ଲାଲାପା ।

୧୪ ମଣ୍ଡଲିନେ ମ୍ଲା ନେତାଇଂ ଆନାକେ ଇସ୍‌ପର୍‌ନେ ସାମୁଆଁ
ଆଃଅଁଚେ ପେନେ ଆଡ଼ାଡ଼ା ତ୍ରି ବକ୍ଲେ ବେଲା ପେ ଆଣ୍ଡିନେ ଆମ୍‌କ ବପୁ
ବାପେଲେକେ, ଆମେକେ ଆବଃ ଆବିଃଗ୍‌ପା ।

୧୫ ନେଙ୍ଗ୍ ଗୁଆର୍ ବିଃକ୍ଲେ ସାପା ବିସ୍‌ୟ ମନ୍ ଦ୍ୟାନ୍ ବିଚେ ପାଲନ୍
ତିଙ୍ଗ୍ ନ୍‌ସା ଅବ୍ୟାସ୍ ତିଙ୍ଗ୍‌ପା । ଇଡ଼ିଙ୍ଗ୍ ପେନେ କାମ୍ ଆଣ୍ଡେଙ୍ଗ୍ ସାପା
ଆଡ଼ାଡ଼ା ତରକ୍ ଲାଃଲାପା ।

୧୬ ନିଜର୍ ଗ୍ୟାନ୍ ନ୍‌ସା ତରକ୍ ଲାଃଲାପା ଏନ୍ ସାପା କାମ୍ ତିଙ୍ଗ୍
ଲାଃଲାପା । ତାଗ୍ଲା ଆତାନ୍ ତିଙ୍ଗ୍‌ଲା ପେ ନିଜେନେ ମୁଲ୍ ବାରି ପେ
ବିନ୍‌ଣ୍ଡେ ମୁଲ୍ ସାଇଜ ତିଙ୍ଗ୍ ପେୟାଏ ।

ବିସ୍‌ବାସିକ୍‌ନେ ନିଅମ୍

୧ ଯେ ମୁଇକ୍‌ ବୟସ୍‌ ରେମୁଆଁ ଏତେ ରିସାରିସା ବାଲିର୍‌ ସାମୁଆଁ ଆଡ଼ିକ୍‌ପା । ନିଜର୍‌ ଆବା ଡାଗ୍‌ତେ ବାବେତେ ମେଁନେ ଏତେ ବାଲିର୍‌ବାଡାପା । ଡାଆଁରେକ୍‌ନେ ଆଡାଡା ନିଜର୍‌ ବୟାଁ ରକମ୍‌ ବେବଆର୍‌ ତିକ୍‌ପା ।

୨ ବୟସ୍‌ ସେଲାମ୍‌ସୁଃକ୍‌କେ ଇୟାକ୍‌ ରକମ୍‌ ବାରି ସେଲାକ୍‌କେ ତନା ରକମ୍‌ ବେବଆର୍‌ ତିକ୍‌ପା । କାଲାଆଃ ମେକ୍‌ନେ ଆଡାଡା ପବିତ୍ର ରକମ୍‌ ବେବଆର୍‌ ତିକ୍‌ପା ।

୩ ମୁଇକ୍‌ ଲେଃକ୍‌ ଗୁଏସାକ୍‌କୁଏକ୍‌କେ ଜତନ୍‌ ତିକ୍‌ପା ।

୪ ଜଦି ମୁଇକ୍‌ ଗୁଏସାକ୍‌କୁଏକ୍‌କେ ଗଡେଅ ଗଡେକ୍‌ ବାରି ନାଡିନାଡୁନି ଲେଃଏ ମେକ୍‌ ସେନୁଗ୍‌ ନିଜର୍‌ ପରିବାର୍‌ ଆଡାଡା ସନ୍‌ମାନ୍‌ ଆସୁଏନେ ଦରକାର୍‌ । ମେକ୍‌ ମେଁନେ ଇୟାକ୍‌ ଆବାକେ ସାଇଜ ତିକ୍‌ନେ ଦରକାର୍‌ । ଦେକ୍‌ ରକମ୍‌ ତିକ୍‌ନେ ବାନ୍‌ ମେକ୍‌ ନିଜର୍‌ ଇୟାକ୍‌ ଆବା ବାରି କିର୍‌ବଃଅ ବାରି ସେଲାମ୍‌ସୁଆ ଆଡାଡା ନିମାଣ୍ଡା କାମ୍‌ ତିକ୍‌ଆର୍‌ଏ । ଆଡେନ୍‌ ପର୍‌ମେସର୍‌କେ ମନ୍‌କେ ଝେଏ ।

୫ ଆଣ୍ଡିନେ ଗୁଏସାକ୍‌କୁଏ ସଡରେ ମୁଇକ୍‌ ବାରି ମେଁ ଇସ୍‌ପରନେ ଆଡାଡା ଆସା ବଚେ ସ୍ପିମିଡିଗ୍‌ ମେଁନେ ସାଇଜ ନ୍‌ସା ପାର୍‌ତନା ତିକ୍‌ଏ ।

୬ ମାତର୍‌ ଦେକ୍‌ରକମ୍‌ ଗୁଏସାକ୍‌କୁଏ ନିଜେନେ ପାରାନ୍‌ନେ ଇକଟା ମାତର୍‌ ନିଜେକେ ସାଦା ଆଡିକ୍‌ନେ ମେଁ କୁଆ ଲେଃଚେ ଡିଗ୍‌ ଗୁଏଃକ୍‌ ସମାନ୍‌ ।

୭ ଗୁଏସାକ୍‌କୁଏକ୍‌କେ ଏନ୍‌ ବିସୟରେ ତରକ୍‌ ଆଡିକ୍‌ ବିଃପା ଜାଣ୍ଡେ ତିରକମ୍‌ ମେକ୍‌ନେ ବିରଦ୍‌ରେ ମୋଃଡିଗ୍‌ ନିନ୍‌ଆ ଆଡିକ୍‌ନେ ସୁଜଗ୍‌ ଆବା ଶୁ ।

୮ ମୁଃଡି ରେମୁଆଁ ନିଜର୍‌ ରେମୁଆଁନେ ଶୁଲା ନିଜର୍‌ କୁଟୁମ୍‌ନେ ଜତନ୍‌ ଆଡିକ୍‌ ଶୁ ମେଁ ନେନେ ଦରମ୍‌ ବିସ୍‌ବାସିକ୍‌କେ ଗ୍ରାଅନ୍‌ ଆଡିକ୍‌ ଶୁ ବାରି ମେଁ ଅବିସ୍‌ବାସିକ୍‌ନେବାନ୍‌ ଡିଗ୍‌ ଦଦ୍ୟା ।

୯ ବୁନ୍‌ଦେ ଗୁଆର୍‌ବକ୍‌କେ ଦରକାର୍‌ ଲେକ୍‌ ଗୁଏସାକ୍‌କୁଏକେ ମୁଇକ୍‌ କାଗଜନ୍‌ନିଆ ଗୁଆର୍‌ପା, ଜାଣ୍ଡେକ୍‌ନେ ବୟସ୍‌ ଝିକୁଡି ବାନ୍‌ ଆଡାଡା ଜାଣ୍ଡେକ୍‌ ମୁଇକ୍‌ତର୍‌ ଆଃ ବିଏ ବଆର୍‌ଏ ।

୧୦ ଗଡ଼େଇଂନେ ବଲ୍ ବାବରେ ଜତନ୍ ତିଙ୍ଗନେ ପାଙ୍ଗଲେଃକ୍ କୁଲ୍ଲାରେଇଂକେ ଜତନ୍ ତିଙ୍ଗନେ କ୍ରିଷ୍ଣନ୍ ବୟାଁ ତନାଇଂନେ ଆଡ଼ାତ୍ରା ସନ୍ମାନ ତିଙ୍ଗନେ କସ୍ତୁବାନେ ରେମୁଆଁଇଂକେ ସାଇଜ ତିଙ୍ଗନେ ଗୁଲୁଏ ସଡ଼କାମ୍ ନସା ଜାଣ୍ଡେଇଂ ସମାଜ୍ନିଆ ନିମାଣ୍ଡା କାମ୍ ତିଙ୍ଗବଆରଏ ତେଲା ମେଁନେ ମ୍ରି ଗୁଏସାଙ୍ଗକୁଏ ଉଲିଆଃନିଆ ଗୁଆରପା ।

୧୧ ମାତର ସେଲା ଗୁଏସାଙ୍ଗକୁଏଃକେ ଆସାଃଗେପା । ଡାଗ୍ଲା ମେଇଂ ଜିସ୍ତୁ କିସଟ ନସା କୁଡ଼େକ୍ନେ ଇଡ଼ିଙ୍ଗ୍ ତିଗ୍ ନିଜର ଆଲାଦ୍ ବାନସା ମେଁନେ ବାନ୍ ମ୍ଲ ଲାଗତଆରଏ । ଏନ୍ ଇଡ଼ିଙ୍ଗ୍ ମେଇଂ ବାରି ମୁଇଂତର ବିଏ ନସା ଇକଟା ତିଙ୍ଗଆରଏ ।

୧୨ ମେଇଂ ମେଁଇଂନେ ଅଃସେ ନିଅମ୍ ଅମାନି ତିଙ୍ଗବକ୍ନେ ଡ଼ଣ୍ଡ ବଆରଏ ।

୧୩ କ୍ଳେଇଂ ତୁଆକେ ତୁଆ ଅଲେଙ୍ଗ୍ତେ ବେଲା ନସ୍ତୁ ତିଙ୍ଗଆରଏ ଦଦିଆ ସାମୁଆଁ ବାରି ବିନ୍‌ଶ୍ଟେନେ ଜତନ୍ ତିଙ୍ଗତେ ଦଦ୍ୟା ସାମୁଆଁ ବାସଙ୍ଗତେ ଦରକାର ଶୁନେ ସାମୁଆଁ ସାପା ବାସଙ୍ଗଏ ।

୧୪ ଏଲେଡିଗ୍ ନେଙ୍ଗନେ ଇକଟା ସେଲା ଗୁଏସାଙ୍ଗକୁଏଇଂ ବିଏ ଆରଲେ ମେଁଇଂନେ ଗରିସିଆ ତିଙ୍ଗଲେ ବାରି ମେଇଂ ନିଜର ତୁଆନେ ଜତନ୍ ତିଙ୍ଗଆରଲେ ନେଙ୍ଗ୍ ଏନ୍ ଅାଏଏ ଜେ ଜଦି ମେଇଂ ଦେଡ଼ ରକମ୍ ତିଙ୍ଗଲା ତେଲା ନେନେ ସତୁଇଂ ଆମେଇଂକେ ନିନ୍ଦା ତିଙ୍ଗ ନସା ମେଃଡିଗ୍ ସୁଜଗ୍ ଆବାଆର ଶୁ ।

୧୫ ଏନ୍ ବିଡ୍ରେ ଉଡ଼ି ଗଣ୍ଡା ବୟସ୍ ଗୁଏସାଙ୍ଗକୁଏ ସୟତାନନେ ସାମୁଆଁନିଆ ଲଃଃତେ ଗାଲି ଉମୁଆଃ ଲେଃଆରକେ ।

୧୬ ଜଦି ମୁଇଙ୍ଗ୍ ବିସ୍‌ବାସି ସେଲାମ୍‌ସୁଃ ରେମୁଆଁନେ ତୁଆନିଆ ଗୁଏସାଙ୍ଗକୁଏଇଂ ଲେଃଆରକେ ତେଲା ମେଁଇଂନେ ମେଁ ନିଜେ ଜତନ୍ ତୁଙ୍ଗତନେ ଦରକାର । ମଣ୍ଡଲିକେ ଏନ୍ ନସା ଅଜନ୍ ଆଡ଼ିଙ୍ଗନେ ଦରକାର ଶୁ । ଇଡ଼ିଂ ମଣ୍ଡଲି ମାତର ପରିବାର ବିଡ୍ରେ ଗୁଏସାଙ୍ଗକୁଏଇଂନେ ଜତନ୍ ତୁଙ୍ଗତନେ ଇକଟା ତିଙ୍ଗଏ ।

୧୭ ମଣ୍ଡଲିନେ ଉଡ଼ି ନେତାଇଂ ମେଁଇଂନେ କାମ୍‌କେ ନିମାଣ୍ଡା ଆଃସୁଏଆରଏ ଏଲେଡିଗ୍ ଜାଣ୍ଡେଇଂ କସ୍ତୁ ବାତେ ଗ୍ୟାନ୍ ବାରି ବାସଙ୍ଗ୍ କାମ୍ ତିଙ୍ଗଆରଡ଼ିଂକେ ମେଇଂ ମ୍ପାର୍ ଗୁନ୍ ବାବରେ କସ୍ତୁ ତିଙ୍ଗକ୍ନେ

ଦରମା ବାନେ ଦରକାର

୧୮ ✱ତାଗ୍ନୀ ସାସ୍ତ୍ରରନ୍ଧିଆ ଗୁଆରବକେ; “କିଆ ଲେଖକାଲା ଅରେଃ ତୁମୁଆଃନ୍ଧିଆ ଗେଏଃ ଆଗାଗ୍‌ପା ।” ବାରି “କାମ୍ ତିଙ୍ଗ୍‌କ୍‌କ୍‌ଣ୍ଡେ ନିଜର୍ ଆଜ୍‌ରି ବାନେ ଅଦିକାର ଲେଖକେ ।”

୧୯ ମ୍ବାୟା ଶୁଲା ଙ୍ଝିରୁଆ ସାକି ଆଲେଃଲା ମଣ୍ଡଲିନେ ମୁଇଙ୍ଗ୍ ମ୍ବା ନେତା ବିରଦ୍‌ରେ ମେଃଡିଗ୍ ନିୟା ବିଚାର୍ ତିଂନ୍ଧିଆ ହୁଙ୍ଗ୍ ଆଞ୍ଜେଗ୍‌ପା ।

୨୦ ଜାଣ୍ଡେଇଂ ପାପ୍ ତିଙ୍ଗ୍ ଆରେ ଆମେଇଂକେ ସାପାରେନେ ସାମ୍‌ନାନ୍ଧିଆ ବାସଙ୍ଗ୍ ବିଃପା ତିରକମ୍ ବିନ୍‌ଶ୍ୱେ_ଇଂ ତିଗ୍ ବୁଟମେଗ୍ ଆରେ ।

୨୧ ପର୍ମେସର୍ କିସ୍‌ଟ ଜିସୁ ବାରି ସିଙ୍ଗ୍ କିତଂ ଦୁଡ଼ଇଂନେ ସେନୁଗ୍ ଏନ୍ ସାପା ତିଙ୍ଗ୍ ନ୍‌ସା ନେଙ୍ଗ୍ ଆପେକେ ଆଦେସ୍ ବିଃଣ୍ଡିଂ । ଜାନେ ବିରଦ୍‌ରେ ସାର୍‌ମୁଆଁ କେତେ ମେଇଂନେ ବିଚାର୍ ଆଡ଼ିଙ୍ଗ୍‌ପା । ସାପାରେ ନ୍‌ସା ସନ୍‌ମାନ୍ ଆଃସୁଏପା ।

୨୨ ମାରିୟାଃଡୁଗ୍ ଜାଣ୍ଡେନେ ଆଡ଼ାଡ଼ା ଙ୍ଝି ଆଲିଗ୍‌ଗେପା ଇସ୍‌ପରନେ କାମ୍ ନ୍‌ସା ଜାଣ୍ଡେକେ ଆସିଗ୍‌ପା ଶୁଲା ବିନ୍‌ଶ୍ୱେ_ଇଂନେ ପାପ୍‌ନ୍ଧିଆ ବାଗ୍ ଆଡ଼ିଙ୍ଗ୍‌ପା; ପେ ନିଜେକେ କାଲାଆଃ ପବିତ୍ର ବପା ।

୨୩ ତିମତି ନାଁ ମାତର୍ ଶ୍ୱିଆ ଉଗ୍ ନାଡ଼ିଙ୍ଗ୍ । ଆଡେନ୍ ବନ୍ଦ୍ ଆଡ଼ିଙ୍ଗ୍‌ରେ ଇକ୍‌କୁଡ଼ା ଦ୍ରାକ୍ଷାରସ୍ ତିଗ୍ ଉଗ୍ । ଏନ୍ ନାଁ ସୁଲୁଏ ନ୍‌ସା ଦରକାର୍ ବାରି ନାଁ ପ୍ରେଗ୍ ପ୍ରେଗ୍ ବେମାର୍ ଆଡ଼ିଙ୍ଗ୍ ଶୁ ।

୨୪ ଉଡ଼ି ରୁଆନେ ପାପ୍ ସାପା କୁଲାକୁଲି ବାବ୍‌ରେ ନ୍‌ଏ ତାଗ୍ଲା ମେଁଇଂନେ ବିଚାର୍ ତିଙ୍ଗ୍‌ଏ ତାଗ୍‌ରେ ମେଁଇଂନେ ପାପ୍ ଆଣ୍ଡେଙ୍ଗ୍ ସେନୁଗ୍ ନ୍‌ଏ । ମାତର୍ ବିନ୍‌ନେ ଉଡ଼ି ରୁଆନେ ପାପ୍ ଇଡ଼ିଙ୍ଗ୍ ଜାନା ପଡ଼େଏ ।

୨୫ ଦେଡ୍ ରକମ୍ ଉଡ଼ିରୁଆନେ ଦରମ୍ କରମ୍ ସଅଜ୍‌ରେ ସାପାରେନେ ମୁଆଃ ନ୍‌ଲେଃଏ । ମାତର୍ ବାରି ଉଡ଼ିରୁଆନେ ସଡ଼କାମ୍ ଦେଡ୍ ରକମ୍ ଆନ୍‌ଲା ତିଗ୍ କାଲାଆଃ ବୁଡ଼ିରେ ଲେଃଆୟା ଶୁ ।



୧ କ୍ରିଷ୍ଟ ବିସ୍‌ବାସି ସିସ୍‌ଇଂ ନିଜର୍ ମାଲିକ୍‌କେ ନିମାଣ୍ଡା ସନ୍‌ମାନ୍ ବିଃପା । ତେଲା ଇସ୍‌ପରନେ ବିରଦ୍‌ରେ ଶୁଲା ନେନେ ସିକ୍ୟା

ବିସୟରେ ଜାଣେ ମୋଠିର ନିନ୍ଦା ତିଜ୍ଞ ଆୟାଆର ଶୁ ।

୨ ଜାଣେଇଁନେ ମାଲିକଇଁ ତିର କିସୁ ବିସ୍‌ବାସି ମେଇଁ ମାଲିକକେ ବୟାଁ ତାଗ୍‌ରେ ଆମେଇଁକେ ନିମାଣ୍ଡା ବାବ୍‌ରେ ସନ୍‌ମାନ ବିଃଆବକେ ରକମ୍ ଆତିଜ୍ଞପା । ଶୁଲ୍ଲା ଜାବର୍ ନିଜର୍ ବାବ୍‌ରେ ମେଁଇଁନେ ସେବା ତିଜ୍ଞପା ତାଗ୍ଲା ମେଇଁ ତିର କିସୁ ବିସ୍‌ବାସି ବାରି ଜାବର୍ ସାଦା ତିଜ୍ଞଆରଏ । ଏନ୍ ସାପା ବିସୟ ପେ ଗ୍ୟାନ୍ ବିତେ ବାସଜ୍ୟ ।

ମିର୍ ଗ୍ୟାନ୍ ବାରି ସତ୍‌ନେ ଦନ୍

୩ ଜାଣେଇଁ ମାପୁ ଜିସୁ କିସ୍‌ଟନେ ଗ୍ୟାନ୍ ଏତେ ସମାନ୍ ମାଲେଃତେ ବାରି ନେନେ ଦରମ୍ ଗ୍ୟାନ୍ ବିରଦ୍ ତିଜ୍ଞମ୍ୟାକ୍ଲେ ବିନ୍ ରକମ୍ ସାମୁଆଁ ବାସଜ୍ ତିଜ୍ଞଏ

୪ ଜାଣେ ରେମୁଆଁ ମିର୍ ଗ୍ୟାନ୍ ବିଏ ମେଁ ଗରବ୍ ବାରି ମୋଠିର ବୁଜେ ଆୟା ଶୁ । ଆତେନ୍ ରେମୁଆଁ ସଇନେ ଅରଡ୍‌କେ ସାତେ ଅଡ୍‌କା ଅଡ୍‌କି ତିଜ୍ଞନେସା ଜାବର୍ ସେନୁଗ୍ ତାରଏ ବାରି ମେଁ ଝିଜ୍‌ଆଃରିଂଆଃ ପାଜ୍‌ଏ । ଏନ୍ ସାପା ଗଣ୍ଡଗଲ୍, ଇଂସା, ଅପ୍‌ମାନ୍ ବାରି ସନ୍ଦେଅ ପାଜ୍‌ଲେଏ ।

୫ ମେଇଁ ବିଚାରନ୍ନିଆ ବେକାର୍ ତିଜ୍ଞତେ ସରାଃସ୍ତ୍ରା ଅଡ୍‌କା ଅଡ୍‌କି ବାନ୍ ସତ୍‌ନେ ଅପ୍‌ମାନ୍ ତିଜ୍ଞଆରଏ । ଦରମ୍ ବିସ୍‌ବାସକେ ମାତର୍ ସାଡ୍‌କାର୍ ତିଜ୍ଞନେ ମୁଇଜ୍ ଗାଲି ତାଗ୍‌ରେ ମେଇଁ ମନେ ତିଜ୍ଞଏ ।

୬ ଦରମ୍ ଲେଃନେ ରେମୁଆଁ ସତେଆ ସାଡ୍‌କାର୍ ତାଗ୍ଲା ମେଁନେ ଉଡ୍‌ ଲେଃକେ ଅଃତେନ୍‌ରେ ମେଁ ସାଡ୍‌ତି ।

୭ ନେ ଏନ୍ ମଞ୍ଜୁପୁର୍ନ୍ନିଆ ମୋଠନେ ତୁଜ୍‌ପାଜ୍ ନେବକେ ? ମୋଠିର ଶୁ । ବାରି ଆକ୍‌ବାନ୍ ମୋଠନେ ସାଃତେ ତୁଜ୍‌ଝେ ନେଃୟାଏ ? ମୋଠିର ଶୁ ।

୮ ତେଲା ନେ ନ୍‌ସା ଚଜ୍‌ନେ ବାରି ଝାଡ୍‌ଗ୍‌ନେ ଜିନିସ୍ ଲେଃଲା ନେ ନ୍‌ସା ନିମାଣ୍ଡା ।

୯ ଦନ୍ ସମ୍ପତି ଲିବିସ୍ ରେମୁଆଁକେ ଗୁଲ୍‌ଏ ପରିକ୍ୟା ବାରି ପାନ୍ ବିତ୍ତେ ତୁଜ୍‌ଝେଏ; ମେଁ ମନ୍‌ନିଆ ଗୁଲ୍‌ଏ ଦଦ୍ୟା ଲବ୍ ତିଜ୍ଞନେ ଲାଲ୍‌ସା ଜାଗ୍ରଡ୍ ଆତିଜ୍ଞତେ ଆମେକେ ଦଂସ ବାରି ସାପା ନସ୍ ପାକା ତୁଜ୍‌ଝେଏ ।

୧୦ ଦନ୍ ଲବ୍ ସାପା ଦଦ୍ୟା କାରନ୍ । ଜାବର ବାନ୍ ଜାବର ଦନ୍
ବାନେ ଲବ୍ରେ ଉଡ଼ି ରେମୁଆଁ ସତ୍ ବିସ୍‌ବାସକେ ଆନ୍ତାର୍ ବଆରକେ
। ମାତର ଦେଡ଼ ରକମ୍ ତିଙ୍ଗନେ ବାନ୍ ମେଇଂ ନିଜର୍ ଆଡ଼ାଡ଼ା ଗୁଲୁଏ
ଦୁକ୍ କସ୍ତୁ ତୁଙ୍ଗପାଙ୍ଗ୍ ଆରେ ।

ପାଉଲନେ ସାରାସାରି ସାମୁଆଁ

୧୧ ମାତର ଅ ତିମତି ନା ମୁଇଂ ପରମେସରନେ ରେମୁଆଁ ।
ଏଲେଡିଗ୍ ପେ ଆତେନ୍ ସାପା ବିସ୍‌ୟ ବାନ୍ ସ୍ଲ ଲେଃନେ ଦରକାର୍ ।
ଦରମ୍ ବାବ୍ରେ ଲେଃ ନ୍‌ସା ଚେସ୍‌ଟା ତିଙ୍ଗପା ପରମେସରନେ ଉପାସ୍
ତିଙ୍ଗପା । ପେନେ ଜିବନ୍‌ରେ ବିସ୍‌ବାସ୍, ଆଲାଦ୍, ସାଆସ୍, ଦରମ୍
ବାରି ବଦ୍ ବେବଆର୍ ତିଙ୍ଗ ନ୍‌ସା ଚେସ୍‌ଟା ତିଙ୍ଗପା ।

୧୨ କ୍ରିସ୍ଟୁ ବିସ୍‌ବାସ୍‌ନିଆ ନିମାଣ୍ଡା ଜୁଜ୍‌ନିଆ ଜୁଦ୍ ତିଙ୍ଗଚେ ମାତାନେ
ପାରାନ୍ ବାପା । ଏନ୍ ଇକ୍‌ଚାରେ ଝେଟା ନ୍‌ସା ଆପେକେ ସ୍ତ୍ରି ବକେ
ବାରି ଗୁଲୁଏ ସାକିନେ ବିତ୍ରେ ଏନ୍ ବିସ୍‌ବାସ୍ ତିଙ୍ଗ ପେବକେ ।

୧୩ ✨ସାପା ଜିବ୍ ଜନ୍ତୁକେ ଜିବନ୍ ବିନେ ଇସ୍‌ପରନେ ସାମୁନ୍ନିଆ
ବାରି ପନ୍ତ୍ରୟ ପିଲାତନେ ସାମନାନ୍ନିଆ ତାଟ୍ ବିସ୍‌ବାସ୍‌ନିଆ ସ୍ନାମୁଆଁ
ତିଙ୍ଗବକ୍ସେ ମାପୁ ଜିସୁ କିସ୍‌ଟନେ ମ୍ନିରେ ଆପେକେ ଆଦେସ୍ ବିଚେ
ବାସଙ୍ଗ୍‌ଣିଂ ।

୧୪ ମାପୁ ଜିସୁ କିସ୍‌ଟନେ ବାରମୁଇଂତର ପାଙ୍ଗ୍ ଜାକ ଆପେକେ
ବିବକ୍ସେ ଆଦେସ୍‌ଇଂ ବିସ୍‌ବାସ୍ ବାବ୍ରେ ପାଲନ୍ ତିଙ୍ଗପା । ନିମାଣ୍ଡା
ବାରି ନିନ୍ଦା ଆତିଙ୍ଗଚେ ଲାଃଲାପା ।

୧୫ ପରମେସର ନିମାଣ୍ଡା ବେଲା ପାଙ୍ଗ୍‌ଲା ଆତେନ୍ ସମାଦାନ୍
ଆଃତିଙ୍ଗଏ । ପରମେସର ମୁଇଂ ଆଃ ମ୍ନାଃ ଇଃସାଙ୍ଗ୍ । ମେଁ
ଇଃସାଙ୍ଗ୍‌ଇଂନେ ଇଃସାଙ୍ଗ୍ ବାରି ମାପୁଇଂନେ ମାପୁ ।

୧୬ ପରମେସର ଅମର୍ ତିଙ୍ଗଲେକେ । ପରମେସର ଅଃକେନ୍
ତାରକିଗ୍ ବିତ୍ରେ ବାସା ଲେଃକେ ଜାଣ୍ଡେ ରେମୁଆଁ ମେଁନେ ଡାଗ୍ରା ଝେ
ଆୟା ଆର୍ ଶୁ । ଜାଣ୍ଡେ ଅଃନାଡିଗ୍ ପରମେସରକେ ଆକେ ଆରକେ
ଶୁ । ଜାଣ୍ଡେ ଅଃନା ପରମେସରକେ ତିଗ୍ କିକେ ଆୟା ଆର୍ଏ ଶୁ
। ପରମେସର ଗୌରବ୍ ବାରି ବପୁ ମାତାନେ କାଲ୍ ଜାକ ନ୍‌ଲେ ।
ଆମେନ୍ ।

୧୭ ଏନ୍ ମଞ୍ଚପୁରୁଣିଆ ଜିନିଷପତର ଜାଣେଇଁ ସାଉକାର୍ ଆମେଇଁକେ ଗରବ୍ ଆଡ଼ିଙ୍ଗ୍ ନ୍‌ସା ତରକ୍ ଆଡ଼ିଙ୍ଗ୍‌ବିପା । ଆମେଇଁକେ ଆଦେସ୍ ବିଚେ ବାସଙ୍ଗ୍‌ପା । ଆରଜେ ବକ୍ସେ ଦନ୍ ସମ୍ପତିକେ ଆସା ଆଡ଼ିଙ୍ଗ୍‌ଚେ ମେଇଁ ସାପାନେ ମୁକ୍ତିଦାତା ଇସ୍‌ପରନେ ଆଡ଼ାତ୍ରା ଆସା ବପା; ଇଡ଼ିଙ୍ଗ୍ ଚଙ୍ଗ୍ ନ୍‌ସା ନେ ସାପା ବିସୟ୍ ମେଁ ଆନେକେ ବିଏ

୧୮ ସାଉକାର୍ ରେମୁଆଁଇଁକେ ବାସଙ୍ଗ୍‌ପା ଜେ ମେଇଁ ନିମାଣ୍ଡା କାମ୍ ଡିଙ୍ଗ୍‌ଆରଲେଃ । ଆମେଇଁକେ ବାସଙ୍ଗ୍‌ପା ଜେ ନିମାଣ୍ଡା କାମ୍ ଡିଙ୍ଗ୍‌ନେ ବାନ୍ ମେଇଁ ସାଉକାର୍ ଡିଙ୍ଗ୍‌ଲେଃ ।

୧୯ ଦେଡ଼ରକମ୍ ଡିଙ୍ଗ୍‌ଚେ ମେଇଁ କିତଂନ୍ନିଆ ନିଜର୍ ନ୍‌ସା ସମ୍ପତି ରାଃସିଙ୍ଗ୍ ବଲେ । ଆତେନ୍ ସମ୍ପତି ଡିଙ୍ଗ୍‌କେ ମୁଲ୍ ପାଣ୍ଡୁୟନ୍ ଆତେନ୍ ଆଡ଼ାତ୍ରା ମେଁଇଁନେ ବବିଷ୍ୟତ୍ ଜିବନ୍ ତୁଆଁ ଯାଏ । ତେଲା ମେଇଁ ସତେଆ ପାରାନ୍‌ନ୍ନିଆ ଅଦିକାର୍ ଡିଙ୍ଗ୍‌ଆରଏ ।

୨୦ ଅ ତିମତି ଆନାକେ ଦାଇଡ଼ ବିବକେ ଆତେନ୍ ସାପା ପାଲନ୍ ଡିଙ୍ଗ୍ । ପରମେସର୍ ଡାଗ୍ରା ପାଙ୍ଗ୍ ଆଲେଃକ୍ସେ ଦଦିଆ ସାମୁଆଁ ବାସଙ୍ଗ୍ ମ୍ୟାକ୍ସେ ରେମୁଆଁଇଁ ବାନ୍ ସ୍ଲ ଲାଲାପା । ସଡ଼ ବିରଦ୍‌ରେ ଅଡ଼କା ଅଡ଼କି ଡିଙ୍ଗ୍‌ମ୍ୟାକ୍ସେ ରେମୁଆଁଇଁ ବାନ୍ ସ୍ଲ ଲାଲାପା । ଏନ୍‌କେ ମେଇଁ ମିର୍ ବୁଦି ଡାଗ୍‌ଚେ ବାସଙ୍ଗ୍‌ଆରଏ । ମାତର୍ ଆକେନ୍ ସତେଆ ବୁଦି ଶୁ ।

୨୧ ଗଡ଼େଅ ତିମତି, ନା ଆଡ଼ାତ୍ରା ବିଃନ୍ନ ଦାଇଡ଼ ସଡ଼ ବାବ୍‌ରେ ପାଲନ୍ ତିଁ । ଉଡ଼ି ରେମୁଆଁ ବାସଙ୍ଗ୍‌ଏ ଜେ, ଆମେଇଁକେ ଆତେନ୍ ବୁଦି ଲେଃକେ । ମେଇଁ ସଡ଼ ବିସ୍‌ବାସ୍‌କେ ଆଡ଼ାତ୍ରା ବିବଆରକେ । ପରମେସର୍‌ନେ ଲିବିସ ପେ ସାପାରେନେ ଏତେ ଲେଃଲେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯୀଶୁ ମାତ୍ରେନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c